



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 4-noyabr

08-295-son

Тошкент давлат юридик университетида маънавий-маърифий ҳамда 5 та муҳим ташаббус йўналиши бўйича ташкил этилган клублар фаолиятини янада қўллаб-қувватлаш тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон ҳамда 2021 йил 9 февралдаги “Ўзбекистон Республикасида ички ва зиёрат туризмни янада ривожлантириш чора-тадбирлари тўғрисида”ги ПФ–6165-сон Фармонларида белгиланган вазифалар ижросини таъминлаш, давлатимиз раҳбари томонидан илгари сурилган бешта муҳим ташаббусни талабаларнинг ҳаракат дастурига айлантириш, уларнинг бўш вақтларини мазмунли ташкил этиш, иқтидор ва интилишларини қўллаб-қувватлаш ва бу борада ўз иқтидорларини намоён этишлари учун кенг имкониятлар яратиш мақсадида

БУЮРАМАН:

1. Тошкент давлат юридик университети (бундан буён матнда — университет)да маънавий-маърифий ва бешта муҳим ташаббус йўналиши бўйича 17 та клуб фаолият юритаётганлиги маълумот учун қабул қилинсин.

2. Клублар фаолиятини самарали ташкил этиш ва уларга университет талабаларини кенг иштирокини таъминлаш масъул таркибий бўлинмаларнинг асосий иш фаолияти эканлиги белгилаб ўтилсин.

3. Маънавий ва маърифат маркази, клубларнинг координаторлари ҳамда фаолларининг талабаларда университетга бўлган муҳаббатни янада ошириш, унинг номини кенг тарғиб қилиш мақсадида университет белгиси тушурилган футболка, кепка, блокнот ва ручкаларни чоп эттириш, “Discovery” клуби доирасида фаол ва иқтидорли талабаларни муқаддас қадамжолар ҳамда

табиат қўйниларга ташрифларини ташкил этиш борасида билдирилган таклифларига розилик берилсин.

4. “Discovery” клуби доирасида университет иқтидорли талабалари ва ходимларининг илк сафари 2021 йил 27-28 ноябрь кунлари Самарқанд вилоятига ташкил этилиши тавсия этилсин ҳамда қолган сафарлар белгиланган режа-график асосида ташкил этилсин.

5. Проректор А.Иминов:

20 кун муддатда университет белгиси туширилган футболка, кепка, блакнот ва ручкалардан 500 донадан ҳамда 200 дона худиларни чиқартириш чораларини кўрсин;

“Discovery” клуби доирасида университет фаол талабалари ва ходимларининг зиёрат қилишлари ва табиат қўйнида дам олишларини ташкил этиш мақсадида тегишли туристларга хизмат қилувчи ташкилотлар билан шартномаларни белгиланган муддатларда тузиш чораларини кўрсин ва бунда ташриф буюрувчиларнинг фақат йўл харажатларини университет ҳисобидан қоплаб беришни назарда тутсин;

юқорида кўрсатилган вазифаларни амалга ошириш билан боғлиқ харажатларни университетнинг бюджетдан ташқари маблағлари ҳисобидан қопланишини назоратга олсин.

6. Проректор А.Хашимхонов:

“Discovery” клуби доирасида амалга ошириладиган зиёрат ва саёҳат туризмларининг хавфсиз ва самарали ташкил этилишини назорат қилсин;

ташриф буюрувчилар рўйхати очиқ ва ошкора, адолат мезонларига тўлиқ амал қилган ҳолда шакллантирилишига алоҳида эътибор қаратилишини назоратга олсин;

рўйхатни шакллантиришда ижтимоий фаол ва ижтимоий ҳимояга муҳтож талабаларни биринчилардан қамраб олинишини назоратга олсин;

университетда иқтидорли талабалар сонини ошириш, уларни иқтидор ва истеъдодларини намоён этишлари учун кенг имконият яратиш, университетни талабаларнинг севимли масканига айлантиришга қаратилган лойиҳаларни амалга ошириш ҳамда соғлом маънавий ва дўстона муҳитни яратишга алоҳида эътибор қаратсин.

7. Маънавият ва маърифат маркази (Ш.Пўлотов) ҳамда факультет деканлари:

мазкур буйруқ мазмун-моҳиятини талабалар орасида кенг тарғиб қилсин;

талабалар билан мунтазам учрашувлар ва суҳбатлар ташкил этиш, турли сўровномалар ўтказиш орқали талабаларнинг иқтидорларини аниқлаш ва шу

йўналишга масъул таркибий бўлинмалар ёки клубларга йналтириш чораларини кўрсин;

университет медиа-маркази (Ж.Вафоев) билан биргаликда талабаларнинг ижтимоий ҳаёти ва фаоллигини намоён этувчи роликлар ва кўрсатувлар тайёрлаб уни оммалаштириш чораларини кўрсин;

Жамоатчилик ва ОАВлари бўлими (Ж.Хайдаров) билан биргаликда талабаларнинг фаоллигини ва эришган ютуқларини университет сайти, ижтимоий тармоқлардаги саҳифалари ҳамда республиканинг бошқа нашрларида ҳамда ОАВларида доимий чоп эттириб боришини ташкил этсин.

8. Мазкур буйруқ ижроси назоратини проректорлар А.Хашимҳонов ҳамда А.Иминовлар зиммасига юклатилсин.

Ректор в.в.б.



И. Рустамбеков

Лойиҳа киритди:
Маънавият ва маърифат
маркази директори

Ш. Пўлотов

Келишилди:

Проректор

А. Хашимҳонов

Проректор

А. Иминов

Бош бухгалтер

М. Парпиев

Юридик бюро
катта юрисконсулти

Э. Хосилов